



STATUTS

Las formulaziuns masculinas en quests statuts valan per omisduas schlatteinas

- Num, sedia** Cul num PRO SAGOGN sefuorma ina uniun cun sedia a Sagogn. Ella s'integrescha ell'uniun Cerchel cultural Sagogn, fundaus ils 30-4-97. Cun statuts revedi surpren la PRO SAGOGN la lavur e la facultad da sia antecessura.
- Intent**
- Dar impuls pil svilup futur da Sagogn
 - Svegliar interess per tradiziun e historia locala
 - Animar e promover tgira dil lungatg romontsch
 - Organisar occurrenz culturalas e forums da discussiun
 - La PRO SAGOGN sa prender posiziun tier projects en vischnaunca
- Commembardi** L'uniun ei aviarta per in e scadin. Ei dat commembers singuls resp. famiglias. Plinavon beneventa l'uniun era commembers collectivs. Il commembardi entscheiva cul pagament dalla contribuziun annuala e finescha cu tala vegn buca pli pagada. La contribuziun annuala vegn fixada dalla radunonza generala.
- Organs** Ils organs dalla PRO SAGOGN ein: radunonza generala; suprastonza; revisurat. La radunonza generala ei igl organ suprem dalla PRO SAGOGN. Ella ha liug inagada ad onn ni tenor basegns. La suprastonza secumpona da minimal tschun commembers. Ella vegn eligida per ina perioda d'uffeci da dus onns e representa l'uniun anoviars. La suprastonza sa surdar lavurs administrativas ad in secretariat. Dus revisurs revedan il quen annual dall'uniun e dattan rapport a scret leusura per mauns dalla radunonza generala.
- Facultad** La facultad dall'uniun secumpona dallas contribuziuns annualas, recavs ord occurrenz, acziuns eav. Ella survecha mo agl intent dall'uniun. L'uniun sa era aquistar e rimnar material e documents. Sche l'uniun vegn sliigada, va la facultad per administrazion alla vischnaunca politica.
- Responsablad** Per las obligaziuns dall'uniun ei sulet sia facultad responsabla. Scadina responsabladad persunala e regress dil singul commember enviers obligaziuns dall'uniun che survargan la contribuziun annuala ei esclusa.
- Diversas** La PRO SAGOGN sa vognir sliigada cun in surpli da 2/3 dallas vuschs presentas alla radunonza generala. Per cass ch'ina nova uniun cul medem intent vegn fundada, ha quella il dretg silla facultad. Per tut igl auter valan ils dretgs d'uniun usitai (Cudisch civil svizzer, art. 60 ss.)
- Approbazion** Ils presents statuts ein vegni approbai entras la radunonza generala dil Cerchel cultural Sagogn dils 22-8-2006 ed entran immediat en vigur.

Sagogn, 22-8-06

il president:

ils commembers suprastonza:
